



ՄԱՍԼՈ ՀԱՂՈՐԴԱԳՐՈՒԹՅՈՒՆ

03 հունիս, 2015թ.

ք. Երևան

«Հակակոռուպցիոն կրթության հիմնախնդիրները Հայաստանում» հակակոռուպցիոն միջոցառման

2015 թվականի հունիսի 3-ին Արարատում կայացավ հակակոռուպցիոն միջոցառում «Հակակոռուպցիոն կրթության հիմնախնդիրները Հայաստանում» թեմայով՝ Արարատի մարզի ՔՀԿ-ների և ՋԼՄ-ների մասնակցությամբ: Այն կազմակերպվել էր ՀԵԻԱ-ի կողմից՝ Եվրոպական Միության և ԵԱՀԿ երևանյան գրասենյակի համաֆինանսավորմամբ իրականացվող «Կոռուպցիայի դեմ պայքարի բազմակողմանի խթանում» ծրագրի շրջանակներում:

Բացման խոսքով հանդես եկավ ՀԵԻԱ գործադիր տնօրեն, ծրագրի դրամաշնորհների պատասխանատու Արտակ Սարիբեկյանը: Ծրագրի տեղական փորձագետ Մարատ Ատովյանի խոսքերով՝ պետության համար հսկայական է հակակոռուպցիոն կրթության դերն ու նշանակությունը. «Բոլոր այն երկրները, որոնք մեծ հաջողության են հասել բարեխղճության ապահովման և կոռուպցիայի դեմ պայքարի հարցում, կիրառել են որակյալ հակակոռուպցիոն կրթության մոդել», - փոխանցեց նա: «Կոռուպցիայի դեմ պայքարի բազմակողմանի խթանում» ծրագրի միջազգային փորձագետ Քարլ Ուլբրիխտի խոսքերով պետք է հասկանալ, թե ինչ մեթոդաբանություն ենք կիրառում մեր երկրում հակակոռուպցիոն պայքարն արդյունավետ դարձնելու համար: Քարլ Ուլբրիխտը ներկայացրեց հակակոռուպցիոն մեթոդաբանությունը և միջազգային փորձը: Նա սկսեց Մինգապուրից՝ նշելով, որ այս երկրի հակակոռուպցիոն անկախ մարմինն իրականացնում է սեմինարներ, դասընթացներ, ծրագրեր ունի դպրոցների հետ, Սինգապուրում նաև պատրաստում են հակակոռուպցիոն տեսանյութեր և այլն:

Զեկույցի ավարտից հետո ծավալվեց քննարկում մասնակիցների կողմից: Նրանք համակարծիք են. Հայաստանում առկա է հակակոռուպցիոն կրթության պակաս, անհրաժեշտ է հաղթահարել այդ մարտահրավերը և պատրաստել նոր մտածելակերպի տեր երիտասարդներ և մասնագետներ:

Ծրագրի հիմնական նպատակն է մեծացնել ՔՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում կիզորացվեն ՔՀԿ-ների և ՋԼՄ-ների մոնիթորինգի և վերահսկողության կարողությունները: Կազմակերպվեն հակակոռուպցիոն դասընթացներ ՀՀ մարզերում ՔՀԿ-ների և ՋԼՄ-ների համար՝ կոռուպցիոն բնույթի և տեղեկատվության ազատության խնդիրներն առավել լավ ըմբռնելու համար: Այս միջոցառումների նպատակը հակակոռուպցիոն գործողությունների իրականացման առկա հնարավորությունների խորացումն է: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով կտրամադրվեն փոքր դրամաշնորհներ: Հակակոռուպցիոն ինստիտուցիոնալ մեխանիզմների ամրապնդման համար ՔՀԿ-ների մասնակցությամբ կվճակվի ՔՀԿ-կառավարություն կայուն երկխոսություն:

Ծրագիրն իրականացվում է Եվրոպական միության ֆինանսական օժանդակությամբ՝ «Հայաստանի երիտասարդ իրավաբանների ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650.000 եվրո, որից ԵՄ ներդրումը կազմել է 585.000 եվրո, ԵԱՀԿ երևանյան գրասենյակի ներդրումը՝ 15.600 եվրո:

Հայաստանի երիտասարդ իրավաբանների ասոցիացիան (ՀԵԻԱ) ստեղծվել է 1995թ.-ին: ՀԵԻԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները՝ պաշտպանված:

Ինֆորմացիայի ազատության կենտրոնը (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

Լրացուցիչ տեղեկությունների համար կարող եք դիմել. Ծրագրի հանրային կայքի համակարգող Նարինե Կարապետյանին, աշխատանքային օրերին, ժամը 9.00-18.00: հեռ. 540199; ֆաքս 580299; URL <http://www.ayla.am>: Կատարող՝ Նարինե Կարապետյան, էլ.փոստ՝ pr@ayla.am



Եվրոպայում անվտանգության և համագործակցության կազմակերպություն երևանյան գրասենյակ

Հայաստանի երիտասարդ իրավաբանների ասոցիացիա
Հասցե՝ Նալբանդյան 7, ք. Երևան, Հայաստան, 0010
Հեռախոս: +37410 54 01 99
Հեռապատճ: +37410 58 02 99

Ինֆորմացիայի ազատության կենտրոն
Հասցե՝ Բուզանդի 1/3
Երևան, Հայաստան, 0010
Հեռախոս: +37410 56 03 60
Հեռապատճ: +37410 56 03 60

Ծրագիրը համաֆինանսավորվում է Եվրոպական միության կողմից
Հայաստանում Եվրոպական միության պատվիրակություն
Հեռախոս +37410 54 64 94
Հեռապատճ +37410 54 64 95

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուս, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանգալությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Ծրագիրը համաֆինանսավորվում է ԵԱՀԿ երևանյան գրասենյակի կողմից
Հեռախոս +374 10 229610
Հեռապատճ +374 10 229615

ԵԱՀԿ երևանյան գրասենյակը գործում է 1999թ.ից, որի առաքելությունն է աջակցել Հայաստանին զարգացնելու իր ժողովրդավարական հաստատությունները և ամրապնդելու քաղաքացիական հասարակությունը՝ գործելով օրենսդրական բարեփոխումների, կոռուպցիայի և թրաֆիկինգի դեմ պայքարի, բնապահպանական, մարդու իրավունքների իրազեկման բարձրացման, լրատվամիջոցների ազատության և այլ ոլորտներում: